

## **Янги Конституция лойихасида инсон ҳуқуқлари**

Инсон билан давлат органларининг ўзаро муносабатларида юзага келадиган қонунчиликдаги барча зиддиятлар ва ноаниқликлар инсон фойдасига талқин этилади (20-модда). Ўзбекистон Республикаси фуқароси Ўзбекистондан ташқарига мажбурий чиқариб юборилиши ёки бошқа давлатга бериб юборилиши мумкин эмас (23-модда). Агар шахснинг ўз айбини тан олганлиги унга қарши ягона далил бўлса, у айборд деб топилиши ёки жазога тортилиши мумкин эмас (28-модда). Шахснинг судланганлиги ва бундан келиб чиқадиган ҳуқуқий оқибатлар унинг қариндошлари ҳуқуқларини чеклаш учун асос бўлиши мумкин эмас (28-модда). Давлат Интернет жаҳон ахборот тармоғидан фойдаланишини таъминлаш учун шарт-шароитлар яратади (33-модда). Меҳнатга ҳақ тўлашнинг энг кам миқдори инсоннинг муносабиб турмуш даражасини таъминлаш зарурати ҳисобга олинган ҳолда белгиланади (42-модда). Ҳеч ким суднинг қарорисиз ва қонунга зид тарзда уйжойидан маҳрум этилиши мумкин эмас (47-модда). Вилоят, туман, шаҳар ҳокими лавозимини эгаллаб турган шахс бир вақтнинг ўзида халқ депутатлари Кенгашининг раиси лавозимини эгаллаши мумкин эмас (120-модда). Адвокатга ўз ҳимоясидаги шахс билан монеликсиз ва холи учрашиш, маслаҳатлар бериш учун шарт-шароитлар таъминланади (142-модда). Ушбу Конституция 1-моддасининг ва ушбу модда иккинчи қисмининг қоидалари қайта кўриб чиқилиши мумкин эмас (154-модда).

**Жиноят ишлари бўйича Фурқат туман суди раиси**

**Т.Вахобов**

2023-03-25 10:40:56